

POZIV JAVNIM TIJELIMA U KANTONU SARAJEVO
za dostavljanje srednjoročnih (trogodišnjih)
i godišnjih planova predlaganja provedbe
projekata javno-privatnog partnerstva (JPP)

Vlada Kantona Sarajevo uz podršku Projekta integriranog lokalnog razvoja (ILDLP), zajedničkog projekta Vlade Švicarske i Razvojnog programa ujedinjenih nacija (UNDP) u Bosni i Hercegovini implementira projekat "Poboljšanje strateškog upravljanja u Kantonu Sarajevo kroz realizaciju projekata javno-privatnog – partnerstva" (u daljnjem tekstu: Projekat).

Cilj Projekta je da se kroz primjenu modela JPP, povećaju javne investicije u infrastrukturne projekte, te da se time dodatno unaprijede javne usluge uz angažman privatnog sektora.

U svrhu definisanja narednih aktivnosti u implementaciji Projekta i identifikacije potencijalnih projekata JPP u Kantonu Sarajevo pozivaju se sva javna tijela da identifikuju potencijalne projekte javno-privatnog partnerstva iz svoje nadležnosti, odnosno da sačine godišnji plan potencijalnih JPP projekata za 2021. godinu i srednjoročni plan potencijalnih JPP projekata za period od 2021. do 2023. godine.

U smislu Zakona o javno-privatnom partnerstvu („Službene novine Kantona Sarajevo“, br. 27/11 i 16/17), javna tijela su organi uprave i općine u Kantonu Sarajevo, Grad Sarajevo, ustanove čiji je osnivač Kanton Sarajevo ili jedinica lokalne samouprave u Kantonu Sarajevo, kao i privredna društva u vlasništvu ili većinskom vlasništvu Kantona Sarajevo ili odnosne jedinice lokalne samouprave.

Javna tijela planove pripremaju na sljedećim obrascima koji su sastavni dio ovog poziva:

1. obrazac za kreiranje srednjoročnog plana potencijalnih JPP projekata;
2. obrazac za kreiranje godišnjeg plana potencijalnih JPP projekata; i
3. obrazac za kreiranje kratkog opisa projekta.
4. Metodološki okvir za identifikaciju JPP Projekata - Kanton Sarajevo

Pored prednje navedenih obrazaca, posebno Vam skrećemo pažnju na Metodološki alat za identifikaciju JPP projekata koji se također nalazi u prilogu ovog poziva, a isti javnim tijelima treba da posluži kao pomoć pri izradi ovih obrazaca. U tabelu ovog Metodološkog alata potrebno je, iz postojećih strateško-planskih dokumenata, akcionih planova i Programa javnih investicija, unijeti projekte koji bi se mogli provoditi po nekom od modela JPP-a, a nakon unosa projekata i odnosnih podataka u predmetni Metodološki alat, te rangiranja projekata, potrebno je unijeti u obrasce iz tačaka 1. do 3. ovog poziva maksimalno dva najviše rangirana projekta sa svim traženim odnosnim podacima.

U slučaju da planirate provođenje projekata JPP u navedenom periodu, potrebno je da popunite sve obrasce iz tačaka 1. do 4. ovog akta i iste dostavite Ministarstvu privrede Kantona Sarajevo na e-mail adresu: zlatan.mujak@mp.ks.gov.ba.

Na osnovu dostavljenih srednjoročnih i godišnjih planova javnih tijela u Kantonu Sarajevo, Vlada Kantona Sarajevo, na prijedlog Ministarstva privrede Kantona Sarajevo, utvrdit će listu projekata koji se u periodu od 2021. do 2023. godine planiraju pripremati i eventualno realizirati kroz oblike JPP, te će ova lista biti osnova za kreiranje jedinstvenog kataloga projekata JPP u Kantonu Sarajevo.

Nakon izrade prednje pomenutog kataloga projekata, u okviru Projekta, analizirat će se mogućnosti provedbe dostavljenih predloženih projekata u narednom periodu, te će u skladu sa ovom analizom, Vladi Kantona Sarajevo biti predloženi mehanizmi podrške onim javnim tijelima, koji po ovom pozivu dostave adekvatne i prihvatljive prijedloge projekata JPP.

Rok za postupanje po ovom pozivu je 15 dana od dana objave istog na web stranici Ministarstva privrede Kantona Sarajevo, odnosno 23.06.2021. godine.

Javna tijela koja imaju namjeru prijaviti projekte JPP putem obrazaca iz tačaka 1. do 3. ovog akta, moći će dobiti više informacija o ovom procesu na konsultacijama koje će se održati dana 18.06.2021. godine, u periodu od 10 - 12 sati, u prostorijama Kantona Sarajevo - Multimedijalna sala Kantona Sarajevo, ulica Reisa Džemaludina Čauševića broj 1, 71000 Sarajevo.